

spicuis, tam loqvendi formulæ, quàm dogmata, quæ, dum ad propagandum haud fucatae pietatis exercitium conferre debebant, à forma sanorum verborum discrepare videbantur. Quorum potiora nos docuit D. *Fechtius* in Proœmio Collegii Anti - Pietistici §. 7. quæ omnia producere nec hujus est loci, nec mei nunc instituti, nec clarissimos meos Dominos Commilitones latet. Sufficiat hac vice unam tantum ex illis adducere thesin, quippe quæ præsentì nostræ materiæ elaborandæ simul occasionem dedit & sequentibus exprimitur verbis: *Rectius est indifferentibus rebus, utpote convivijs, saltationibus, alijsq; hujus generis ludis penitus abstinere, quàm hisce rebus, planè nihil in se, quod ad gloriam Dei facit, babentibus, operam dare.* Hoc assertum, cum expressè Theologis nostris, tam eximia pietate quàm profunda ac solidâ eruditione illustribus, qui harum rerum indifferentiam jam à Lutheri temporibus usque ad nostram ætatem, adversus morosos atqve rigidiores Calvinianos strenuè defenderunt, contradiceret, factum est, ut hic novitatis pruritus à Theologis pro salute Ecclesiæ excubantibus haud immeritò notâ censoria fuerit castigatus. Cum autem Dn. Spenerus Apologiam ederet, assertumq; suum defenderet; plurimiq; alii, qui ejus partibus adhærere videbantur (sed neq; eruditione, neq; prudentia, neq; moderatione simili gaudentes, Judice *Fechtio* nostro) Scriptis per multis, maxima animi vehementia ac pertinacia idem propugnarent, maximum certamen inde est exortum. Scripta singula recensere, cum iis omnibus instructi heic loci esse nequeamus, nostri non est negotii, adducemus tamen sequentia quæ in manus nostras pervenerunt. Ediderunt sic dicti *Pietistæ Gothani* Confessionem suam, in qua inter alia omnes res indifferentes rejecerunt, atq; provocarunt ad tres conciones D. Speneri. Von der verbotenen Welt-Liebe / Francofurti habitas, ubi in præfamine certas quasdam re-